

129
H819
6


中國方志叢書·第六號

據民國二十二年鉛印本影印

廣東省

開平縣志

(全)



SK72/12

成文出版社印行



10101763

中華民國五十五年十月臺一版

開平縣志

全冊

定價：二八〇元

發行人：黃 成 男

台北郵政信箱二二六〇五號

出版者：成 文 出 版 社

台北郵政信箱二二六〇五號

印刷者：正 大 印 製 廠

三重市長生街二號之一

版權所有

內政部登記證內版台業字第一一四七號

序

方志史體也無古今重之凡所爲圖表畧錄者識疆域詳建置溯沿革而官師之蹟賦役之式民風之清濁人才之豐嗇以至治亂災祥物產名勝莫不釐然可指數守土者一展卷而古鑑在焉此政教之輔也辛未夏五榮謀奉命承乏斯邑斯邑清初自新會新興恩平析置通爲里五十幅員雖狹而川原綺錯物阜而民秀頗有聲於嶺海間其文獻必有足徵者迨治事數月遍訪志乘於薦紳之家始悉前令之志開平者爲薛爲陳爲王薛陳二志久佚王志亦不得一完本計自道光以降閱剏闕者逾百年中更劉令盛堂李令介承先後開館議修而竟無所就竊以爲懼焉蓋斯土自建邑以迄乾嘉當時官紳草創經營又撫綏而教養之寢成樂土其謀猷必有可法者及紅變客難迭爲蹂躪益以鼎革十餘年城池至於七八陷其將何以爲

開平縣志 卷首

邑平荆榛何以芟夷流亡何以安集法令日新又何以應上而不病吾民雖欲借鑑於既往而典籍蕩然亘百年無所考徵至是而益懼迺與邑中薦紳倡議重修壬申之春開局長沙聘張孝廉筱峯總其成周明經毓初爲之副並賴諸耆宿分類纂輯矢心共事以底於成今冬卒功因而有感自維奉職無狀治行誠不能與賢宰比然講求民生利病與政教所宜徵文考獻網羅而整齊之此固藐躬之責也抑亦所以竟前令未竟之志也夫

中華民國二十二年十二月高要余榮謀序於長沙行署

開平縣志 卷首

二十四史名史者十名書者十有三獨三國以志爲名志誌也凡以誌事也周官外史掌四方之志小史則掌邦國之志今之縣邑古之邦國今之縣邑志古之邦國志開平以順治六年歲次己丑立縣縣之有志薛志最先陳志繼之薛志成於康熙癸丑然未付印付印自陳志始時康熙乙未也道光癸未則有王志於今百有十年矣歷年既久益以喪亂志之尤其亟邵尤其難攷光緒乙未劉令以志事聘陽湖吳翊寅主纂纂成未及梓久乃失去宣統己酉馮令奉檄輯鄉土史聘予啟琛弟主之予時聽鼓山右以書勗曰鄉土史吾弟之碎金云爾出此碎金勉成完璧修志不難耶旋啟琛赴京應舉以舉首籤縣江西而斯事又不果自辛亥之變越九年庚申李令設志局長沙仍推啟琛爲總纂啟琛蒙於文其文中之史尤吾子京也宋子京能成新唐書宋公序可以無事矣竟多年不成功因亂告罷而其藁亦遭毀無僅存者見秦煙而不豫爲魯壁賡續之難何如哉今縣長高要余公以辛未蒞政明年春踵庚申故事復設長沙之局局中自採訪編修以至校讐謄錄皆效其職而殷殷以啟琛所未竟者屬之於予予辛亥去官歸來伏處海濱自分謝絕人事久矣獨於修志之事欲謝而不能絕者律以浮海之議父母之邦縱可去揆之維桑之敬父母之邦之事不可忘也賴余公始終其事無少懈向所爲三舉三轍乃幸觀成於今日天時人事良非偶然蓋事之相左者易而難時之已至則難而易也然則辭總纂不居而與同人居分修之職何也歐陽公與宋子京之於新唐書總則俱總分則俱分無階級之異也成書期以半年又何也明人以一年成元史爲史家最劣然邑志與國史不同且爲經費所限不得不策馬遲以追枚速聖人云遲則不達亦云敏則有功矣是志分十有八門圖居首易以圖成卦書以

圖獻卜肅何收秦圖書藏之沛公具知天下阨塞戶口多少疆弱處
圖之足尙久矣圖是圖其地應次以輿地而必先列沿革者沿革爲
未定之輿地輿地爲已定之沿革也有輿地而後建置興禹貢爲地
理最古之言言厥土亦言既宅故次建置周禮言建國者曰體國經
野建置次以經政宜也又曰設官分職經政應次以職官今介前事
於經政職官之閒者由今日職官所施之經政溯及以往之經政前
事蓋徹上而徹下也職官由選舉而來當其爲職官亦非選舉人才
不可孔子所以告仲弓之爲宰者可思矣故次選舉選舉行則職官
有善政武城弦歌滅明有力焉故次官績開有官績於彼而流寓於
此者凡名人蹤蹟皆足爲山川生色不必其施政也故次寓賢官績
寓賢雖外人而觀感所及則本境之人物應之故次人物列女亦人
物而禮云男女異長易亦男女分索示有別也故人物專屬男子而
列女次焉列女匪盡屬節孝有長皆錄再標節孝爲表變風柏舟
之義也依旌例節孝建坊者壽百歲亦建坊五福之首人瑞宜彰故
次耆壽孔子言禮重文獻耆壽獻也藝文文也故次藝文漢藝文志
不收金石然金石亦藝文之一端宋儒已有專輯故次金石古蹟多
有碑石爲標識故從阮通志次金石後其有屬於此不稱屬於彼而
亦不得者且或事涉細碎捐棄足惜又當如昌黎所謂兼收並蓄網
大不捐故以雜錄終焉張啓煌謹識

開平縣志

卷首

三

自古史才難而作志尤難誠以志者文獻之所繫非諳於故實者未
易能貫始末鑑別去取釐然有當也而況際隔缺殘已久纂輯於
鼎革亂離之際乎邑中舊志竣修於清道光三年迄今已歷百有餘
歲時遷事貿紀載缺如前光緒二十三年間知縣劉盛堂聘陽湖
吳翊寅重修尙未脫稿而去嗣後雖復屢有議修者卒無成於是邑
人欲尋一殘缺之邑志而不可得惟聞城西謝蘭亭君家藏一帙亦
非完本則吉光片羽誠危乎其絕續之交也民國二十年五月高要
余侯蒞縮邑篆觀風問俗舉廢起墜慨然於文獻之無徵乃與邑人
士謀續修之而商於鼎新暨黃君漢光勉予以協修之責先向各地
方商市分區墊款萬圓爲修費聘張君啓焯爲總纂并委周君鍾嶽
籌辦局務旋即延致分纂及各區採訪人員剋期六閱月而稿成越
年二月開局至七月間歲事彙次編錄沿革分併大輅椎輪具有其
質隨復由總纂約同分纂周君鍾嶽吳君樹華各任門類斧藻條貫
旁參博稽發微闡幽以舊志簡畧多所增補分訂比附期於盡善庶
幾周慎詳核罔有譌舛越遺遂決發梓於二十二年之十月先是墊
款之萬圓竣局時已開銷七千餘祇尙存款二千餘圓不敷刊費尙
鉅乃以香港開平商會名義招工開鑄余侯則力任籌措補足鼎新
自維職於冗務徒厠虛名於志事固無能爲役然獨有感於余侯之
敷政宣猷知所先務章志貞教其有裨於一邑之文化風俗當非淺
渺此則揆於區區愛鄉土之心固不無稍慰焉耳吳鼎新謹序

開平縣志

卷首

序

又三

縣長高要余公續修志今冬鉸板上距脫葉之月十有六距開局加六月焉前之六月卓創討論之事也數十人共之費絀不得不急就後之十有六月修飾潤色之事也三二人負之費絀仍不敢急就今且就矣而當局一泝洄焉猶惕惕於茲役之匪易繼絕舉廢誠不能不有賴於久任敬持之賢有司也公之始下車也求志乘於縉紳之家累月不得一完本於是有續修之倡維時公私告竭費無所出乃進其耆老約貸萬金而酬以志不足則公自任之公恭己而信政治民心故命下而衆皆奮赴去歲二月設局長沙凡編纂參閱來訪諸執事皆禮聘以至又徵及菲材俾佐吾師張筱峯先生總厥成先生講學自晦志事自香港遙領弟子服勞義無所辭而鍾嶽所負荷者乃愈重而愈弗勝矣局中多前輩容我就正惜舊志王本最晚出去今已逾百年更亂數四官中圖籍蕩然故家所有亦多散佚存者惟

開平縣志 卷首

張葩初鄉土史藁展轉蒐討達達借材於邑外尚幸莫予之拒也及葉成移港先生即謝遣生徒婢力以將鍾嶽積千慮之一得間月輒渡海走報同事吳堅魯文學亦多所獻替蓋前此所成草卒不能爲諱文獻絕續一髮是系稍假時日庶幾萬一之補拾每侍先生校訂三四易猶未即安雪夜不恤數起而客館所藉於公帑者特筆札之給而已方經始時先生慰慰期我爲宋子京子京佐歐陽修成新唐書誠相得益彰鍾嶽則何敢擬此惟茲鄉邑聞見述達信來後學誠不能無責既辱知於公重以師命其敢不勵沒抑舊令會澤劉公豐順李公亦嘗從事於是矣未及告終旋遷秩以去獨公久任而持之以敬用底於成斯亦天時人事之相值耶恩平最君子才篤學士也於吾邑掌故所系後先節示執柯慙矣而忽增邪許之應聲又不可以不識太歲在昭陽作詒涂月之吉邑人周鍾嶽謹撰

舊序

薛志邑令池陽薛璧序邑之有志紀實也古輅軒氏采錄方物及所歷風壤上之秘府以備參讎蓋以萃羣邑之名勝集天下之大成從來尙矣開邑新闢縣治草昧未寧凡建置之修陋山川之險易人物之淑慝版籍之興替生植之豐裔風俗之淳澆載籍闕焉是考之文獻而無徵也後此安所取鏡乎余承乏茲土退食之餘搜集舊章漫無稽考修輯之志實厪余懷際今上續承祖宗功德允武允文大輯天下罷邑志黼黻臬猷不越深禁而周知萬里猗歟懋哉此正博採鐘筦鼓吹休明之會也爰偕學博朱公鳴珂敦請孝廉甄君芭明經張君國祚開局修造分疏條貫明經勞士禎岸裕張光岳黎光奎周夢雷梁上標勞愛之等旁求參訂矢心共事以補職方山海之或遺至於綜核去取余直任之夫今之志即古之史也史以有徵爲信志

開平縣志 卷首

以不濫爲實茲幸有成使山川邱賦朗若列眉人物風俗煥如指掌以至顯而政治隱而昭格營建築作之鉅草木鱗虫之微靡不臚列備晰詮次詳明則此一志也雖闔邑文獻攸闕而世道人心之感維風植教之權誠嘉賴之矣後之君子蒞斯土者知治化之是資宜民易俗用宏教養之型生斯土者知樹人之有本養正慎修永賴載贊之誼品行既淑文教孔彰凜王章而茂嘉猷新矩矱而綿舊德開平不大有造歟余雖不敏敢不濡毫珥管以爲他日券康熙十二年癸丑

薛志邑孝廉甄芭序上古之史出自王朝如三墳五典八索九邱由來尙矣孔子刪書斷自唐虞禹謨湯誓殷盤周誥莫非史氏之所傳然皆行之爲一王之法垂之爲治世之書而未及列國之史也至周命輅軒氏博採風謠獻之太史以觀民之貞淫好僻而十五國之風

教殊焉是十五國之風孰非十五國之史之所寄哉嗣是列國各置史官以掌時事孔子於是因魯史而作春秋春秋者固以一王之法正人心而維世教原其初亦不過一國之史耳其後漢司馬遷探上古方書以作史記有列傳志表以成一家言其叙山川險易俗尚淳漓黎然臚列今之邑志亦史氏之流亞歟茲者聖天子治定龜極鼓吹休明乃命儒臣纂修一統志使各省郡邑皆得修志以上達天朝亦古者輶軒采風意也開平縣治新建方二十餘年前未作志事多簡畧凡所稽考皆得之郡邑遺獻遺文之間且開平於天下特管中一豹耳恐其所采不足以贊勳盛治然昔子游宰武城而有絃歌之聲子賤宰單父而有鳴琴之治豈可以小邑而靳治化耶吾邑侯薛公來蒞茲土兩載而政通人和四民獲息教化漸興茲奉文修志之會上承天子德意不敢漫易置之屬其事於邑與明經文學諸君惟

開平縣志 卷首

思邑少無名山之遊長乏龍門之筆辭謝不敏至再至三不獲已而勉承公命緣考邑事之舊載在各縣志內者輒用採摭更益以新所見聞爲之分立類例詳編綱目首輿圖正封域也次紀事備時事也封域正則風氣隨之故次之以風俗風俗之善惡必須官以董正之故次之以秩官有官府然後有創建故次之以沿革建置創設既定必須食以守之故次之以食貨然猶恐旱潦之不常築隄之不備故水利次之食貨足然後禮樂可興故典禮學校次之學校既設人材乃成故選舉次之有文事必有武備故兵防次之善人國之紀邑之典型攸繫不可遺也故繼之以人物焉詞賦道德之徵文材所關其可忽諸故終以藝文焉各次其序畧示論斷間有出之已意必先參以衆見取其苟可以裨益世道而存乎勸戒或有當於聖朝之博采者凡三閱月而書成若曰紹聖世繼春秋本詩書禮樂之際邑則何

政焉康熙癸丑

薛志邑拔貢張國祚序郡邑有志猶古有史也古者列國之史史官掌之今郡邑志則賢守令董修之凡郡邑其來已遠歷代相沿有志則繼起而爲之者易若郡邑新建網羅搜集則創始而作之者難吾邑介新會新寧新興恩平四邑之間勢據上游道扼衝要明嘉靖間因古塘宅堡議移參戎府以謹守禦萬歷間併堡爲屯崇禎十七年盜發太守張公看踏其地以爲宜建縣治會燕都告變未及舉行本朝順治六年家孝廉蒙自尹張鉅璘偕諸文學陳請用成其事遂割三邑之土田封域通爲里五十而設縣於屯即古所稱倉步村也建邑伊始文廟城隍廟城郭衙宇百務草創欲修邑志未遑也適今聖天子登寶位之十一年命修方輿考畧而邑侯關中薛公來宰吾邑政簡刑清四民樂業正邑志可修之時又部文方到之日於是侯請

開平縣志 卷首

孝廉甄君邑并屬書於予俾襄厥業顧祚才識不逮何足副侯委任之意力辭不獲乃取三縣舊志凡前三縣而今割屬一邑者其地理人物事宜一一收歸志內本之舊所記載益以新所見聞共成志若干卷一披閱而輿圖山川風俗物產可覽而見也戶口賦役學校典禮兵防水利沿革建置可考而得也名宦人物秩官選舉仙釋流寓事紀藝文可觀而知也志成予於是竊有感矣凡言貴取信於將來史足以取信於將來是曰良史志足以取信於將來是曰實志豈不存乎修之之人哉班馬而下史不一家京邑而外志實孔繁其得曰修者之得焉耳其失曰修者之失焉耳人心攸關世教咸賴故昔人於此矢公矢慎惴惴焉不敢孟浪一字予懼記載之失實見聞之不足不足以信今而傳後也雖然有賢明府以零載之有同事諸君以研訂之總其宏綱詳其節目於志事亦大畧備矣異日者有樹勳庸

於廊廟而爲國家一代柱石名臣者焉有鳴道學於海內而爲吾儒大德碩望者焉有擅文章於嶺表而爲文壇宗工哲匠者焉志曰某也某地人也某代人也其足以光斯乘也是在平後起者焉予濡毫竦之矣康熙癸丑

陳志邑令溫陵陳還序粵稽虞書命官分宅四陳各敘其風土教化陰陽寒煥氣候物類之宜禹築九州而鑄九鼎以象方物成周職方氏掌邦國之圖小史掌邦國之志陳詩納賈以觀民風迨及春秋列國有史秦有圖書漢郡國皆有圖志則志之所由來遠矣我國家定鼎統一宇內車書萬國今上聰明天縱文武聖神殲三逆藩而誅囑爾日南極臺灣北抵朔漠皆入版圖幅輳之廣聲教之訖前古所未有也然猶勤求民瘼鑒觀四方慮海甸遐荒耳目有所未逮歲戊辰特詔儒臣修一統志已丑復命修方輿考略蓋欲周知土俗險易遠

開平縣志

卷首

近豐歉增減毋致一夫失所德至渥也開平居萬山中外連巨海憑踞險阻民易作奸明萬歷崇禎間盜賊蜂起鞭長不及控馭爲難本朝順治六年割三縣之地而立邑治弭盜安民誠爲長策夫有邑必有志康熙十二年春前官池陽薛君璧屬邑人甄君芑等始修邑乘草創未備未及成書還承乏茲土無徵是懼甲午秋詔遣輿圖使者繪南方九省之圖星輅至粵還聞而悚惕曰聖天子省方觀民於方域事克殫瘁衷守土之臣受一方之寄志乘有闕無所取裁是還之罪也夫於是廣集父老博採舊聞諮諏逸事參以前志訛者待正闕者待補文獻既有可徵乃開局聘東莞陳生阿平以董其事選食之餘相與輯訂而武林曹子克明共爲參校近考遠稽殆無掛漏刪繁舉要務必精詳凡五閱月而書成爰登梨棗俾後之蒞斯土者觀輿圖封域之有考而知疆理規畫之宜殷也觀則壤賦役之有考而知

勸勞撫字之宜周也觀兵防戎政之有考而知綢繆有備之宜預也觀災祥豐歉之有考而知修省引禦之宜先也而邑之士大夫觀鄉賢之流芳史冊崇祀春秋有不思齊振勵樹功名于竹帛垂德業于天壤者乎而高人節婦亦不致湮沒弗傳矣則此一志維持風化扶植綱常豈淺鮮哉唐虞三代之所以久安長治者用是物也輶軒探十五國之風可以藉手而獻矣康熙五十四年乙未

陳志東莞陳阿平序朱子守南康下車首問郡志君子謂其知所務夫志以記方域分野山川地形戶口風俗人文物產爲政所必資也太公封於齊五月而報政周公曰何速曰吾因其俗簡其禮通商賈之業便漁鹽之利蕭何入關先取秦丞相府圖書會計關中踵兵給棉轉運無闕由其知秦版籍按圖而具故得不置高帝封功臣以何第一然則志之所係大矣哉吾師溫陵陳公以名進士出宰開平新

開平縣志

卷首

建之邑先是康熙癸丑邑侯薛公璧屬邑人甄君芑始修邑志草創未備未刻成書自癸丑至今又四十三年矣歲久因循一邑事實未有以識之者公召平而命之曰邑之星野封域不可不紀也妖祥豐歉不可不書也沿革建置不可不晰也風俗物產無容或忽也子盍爲我成之納幣致餼平以不敏辭而不獲復思志猶史也自十志譏於班固而史因之省郡州縣例皆有志彷彿古者列國之史書夫所記山川道里非以示廣遠欲其識險易知戒懼也記戶口田畝非以誇富庶欲其察息耗毋徵奪也記五土宜產非以給嗜慾欲其因物致用周民利也至於吏治得失風俗美惡人才衆寡書之皆有微旨存焉鏡於水者知於人鏡於古者知於今蓋取以爲鏡也是知鏡鑒度則知所調鑒鏡山川則知所經理鏡兵賦則知所節縮鏡習俗則知所變化鏡方物則知所封植鏡徵應則知所修弭夫孰非人之所

幹旋而政之攸頓哉此朱子所爲知所務而吾師倦倦也遂承公命而公簿書之暇共載簡爲總六十餘年之事凡二十四卷自建邑始康熙乙未

按陳阿平字獻孟一號鉢山居士東莞廩生文名藉甚復工八法與陳恭尹屈大均梁佩蘭輩往來唱和嶺以南自督撫將軍以至典試大員莫不折節下交所著鉢山堂詩文集爲四庫所收詳東莞志

王志邑令諸城王文驥序邑居之聚散與世運之盛衰恒相倚伏方其聚也無以保之則聚者散矣及其散也有以聯之則散者復聚矣故即一邑而盛衰之全象見焉開邑當山海之交北扼新興西控恩平襟高明而帶新會明季蜆岡梁金諸險爲盜往來之衝於是分割三邑立縣以鎮之而後民得蘇息百餘年來漸成樂土長沙烏石

開平縣志 卷首

之間桑麻被野舳舻連空穰穰然一都會也邑之有志始於康熙癸丑創之者池陽薛君其後溫陵陳君踵而爲之規模具矣迄於今紀載畧焉聖天子厚澤深仁治於海表二三賢守令相繼撫綏其民計荒蕪之舉闢生物之繁滋以及賢俊英品之秀發當什倍於曩時不有以衰輯之奚以備其盛衰究其聚散爲將來考證乎歲辛巳予以簡命來官茲土始索觀邑乘則薛志已不可得陳志亦蠹蝕不全每以爲憾三年癸未有奉行纂輯之令乃與邑之士大夫倡謀重修延學博李君科孝廉張君經琮等共勦厥事公退之暇親加釐定書成竊有感焉夫開邑之始固合衆以成聚者也建縣以來局凡三變其始豐城李公因地設屯據險而守之一變也既而改屯爲縣握四邑樞紐以重厥輕再變也至雍正間又分建鶴山縣然後犄角相倚無復滲漏三變也故同一山川崇巖化而夷塗矣同一阡陌荆榛化而

禾黍矣同一人民較文化而穰鋤矣昔何以由盛入於衰今何以從衰復於盛得無撫此編而滋懼乎是用不憚固陋爲之參考訂博采旁搜察得失之機驗豐耗之變始於星野終於外紀宏綱細目罔敢或缺事跡未詳者取之三縣義例未協者參之通志務期簡核明備繼薛陳二君之後而補其所不逮庶覽斯志者得以因端竟委原始要終思夫版籍何以日廣生齒何以日富風俗人才何以日茂而後處其盛不忘其衰當其聚常憂其散持盈保泰先事預防而開平之勢固於苞桑矣若云矜博洽寓褒貶以附史氏之後豈予所能哉道光三年癸未

開平縣志 卷首

王志訓導新會李科序自古政教之設必因其土俗之宜而利導之循吏下車伊始有以知其利病所由爲之酌古審今移易風俗不於志乘取之於何取之故文獻之傳政教之本也開邑舊志事多草創又未分置鶴山迄今百有餘年宜修久矣邑侯諸城王公以詞苑來蒞茲邑嘗欲與士紳共訂之適大憲檄修郡縣志遂慨然以爲已任政平多暇益取鄰近郡邑志遍觀之曰吾得其要矣茲志之修豈獨增載後事已乎朝廷之區畫諸君子之用心盡在於是竭公餘之力補其缺畧正其異同編舉目張因舊志加以詳核而於山川夷險士風醇漓三致意焉夫開平之地環帶恩新高鶴及會寧諸邑率皆旦夕可達當有明之季土賊蜂起遷延竄伏幾不可窮詰豈民性之異哉勢使然也管轄其四域倚山而海下者皆可壑而植高者亦可險而踞作梗之輩非盡開民也內訌者倚爲負隅外來者資爲塗徑耳其屬隸諸邑非不可以兼治而建議者汲汲有鞭長不及之慮始則因兵立屯繼則因屯設縣故豐城李君開之於前寧高諸君子平之於後至復析爲鶴山縣而縱橫數百里皆衽席矣國家承平既久曉

明皆成沃壤惟魯悉化文明生其間習爲固然不復知有往日良甚幸矣抑思服先疇食舊德果何道致此乎此一志也予於舊事間有商確新探者一惟王公去取顧獨不能已於言者亦欲深明賢侯之意俾邑人士安享大平益以光美前修并冀後之蒞斯土者思縣所由建而圖匪防逸政教因之庶文獻之傳非具文云爾道光癸未

按李科字魁文新會河塘人乾隆甲寅恩科舉人來任訓導著有悔遲詩集詳新會志

王志邑宰廉張綬琮序考古列國各有史官採方言以記時事由來舊矣自易封建而郡縣邑宰爲百里侯邑之有志猶古列國之有史也開平自皇朝順治六年置縣及雍正十年又割建鶴山雖地屬彈丸然有人民有社稷是烏可以不志康熙十二年癸丑薛侯暨及邑人甄芭始倡修志未及成書五十四年乙未陳侯還聘東莞陳生阿

開平縣志

卷首

十二

平重加輯訂乃登梨棗自乙未迄今又歷百有餘歲矣世遠年湮流斯上者欲考其事蹟書缺有間前嘉慶十四年琮承乏義學講席署令陳侯開炳倡續修會洋匪入寇地方蹂躪經費維艱吏亦遷除靡定遂以不果而邑人所望於命世賢宰稽文諏獻嚴筆削以昭法戒者固甚殷也道光元年辛巳諸城王侯以太史之才屈百里之寄下車後政簡刑清暇取舊志披閱之見其簡編殘缺門類不清煩者宜刪缺者宜補久座候慮三年癸未大府令郡縣志同時輯纂此正網羅搜集鼓吹休明之會也邑遂開局屬琮暨各紳協修琮等自顧謏劣詎敢當鉛槧之役賴侯仕優之下筆削一稟春秋相與勉從校閱三閱月而告成由是大綱小目展卷瞭如事增於前文省於舊曾南豐所謂良史者明足以周萬事之理道足以適天下之用智足以知難知之意義足以發難顯之情然後能勝其任今侯非誠勝任而愉

快者乎鳴單父之琴握董狐之筆其所以備文獻之徵而昭聖世鄧隆之治者非淺鮮也抑琮更有念焉往者邑中蛋戶捕魚間有乘夜出海私約奸民肆掠者雖有東西巡船上下邏緝而奉行故事鞭長不及至上馬石冷水巡大羅村開洞等處深山遂谷尤寇穴出沒之數侯悉心區畫於蛋戶則編保甲以稽其出入往來於巡船則捐俸修其器械簡其壯勇令與新寧巡船互相救援諸險隘亦分兵防守有備無患自是人皆畏法水無萑苻之警陸無禦人之盜非侯之保民若赤何能思慮周詳如是山寧海謐本德政發爲文章宜茲志之燦然朗然也因泚筆而並識諸簡道光三年癸未

開平縣志

卷首

十三

凡例

一凍水通鑑載自前代龍門紀史兼錄當時惟於當時亦有斷限自叙云至於麟止以示獲白麟後不錄如春秋然也春秋感麟而作經止獲麟爲止於其所起今本此例邑志以民國二十一年開修而起議則在二十年故紀至二十年而止

一志以圖爲重故古稱志曰圖經又夏官治兵以職方掌天下之圖明示以圖之尤關軍用也邑舊志圖開方測算未詳其法且於軍用無關今所繪圖總與分爲若干幅經緯釐然尤注意軍事測量方之舊志粲然可觀矣

一沿革本諸史志及前代疆域圖記然必兼載鄰縣分合始明開平分縣之始分自新會者十之六七分自新興恩平十之三四本其已分追其始合非敢越界聊以溯源

開平縣志

卷首

凡例

一通志謂史記一書功在十表列行縈紆徑寸之內千年萬里舉目可詳舊志於沿革及職官選舉節孝者壽俱不列表但以年代先後分行書之而已今依阮通志改列爲表補所未備庶幾詳而能簡各志多同此例

一周禮鄉大夫三年大比興賢者能者書以登於天府因此有鄉貢之名明代始稱鄉貢爲舉人故選舉表內隨朝代而異其名稱

二三國志人物不標門類阮通志用其例人物傳祇以年代相次列女傳亦然邑舊志人物分風節勤勞德望文學四門列女又專取節烈其他種之賢明及文藝可觀者概不錄今略事變通以阮通志爲式其不曰列傳而曰略者不敢擬史家體也

一列女略雖非專登烈女而仍以烈女爲尤重則列女可該節孝今於列女略外又立節孝表不嫌駢枝者表以表其事實之不其詳

應立傳而又無從立傳者也

一顧亭林謂古人不輕爲人立傳明知多所割愛然於行誼上一善足錄非關特色者又或專以文字見長者可留以登之家乘無須立傳於邑志家乘宜詳邑志宜簡也亦以見家乘與國史相維之意

一藝文去取體例非一致德施文選不錄生存孝穆玉臺兼登見在今依文選所登皆前人之作也論人既以蓋棺而允故譚藝亦以沒世而公唯略中祇登書目如漢志例其詩文散附各略中以類相從若無類可附始摘其尤者與序文及評隲語夾注書目之下

一書目或目存而文不存亦仿隋書經籍及唐書藝文存佚胥列於篇

開平縣志

卷首

凡例

一舊志無金石凡碑記列之藝文然必金石自爲一略則其實存古物適以爲藝文之印徵況金石之文與藝文之文異體讀韓文公碑序可見

一乾嘉以前政偽尙書如閣惠諸家未出凡著述引書而用僞古文者未容追改若乾嘉以後仍然眞僞不分恐授人口實用敢不避過求酌改一二唯仍以不傷本來面目爲宗旨

一春秋紀異不紀祥紀祥唯桓三年書有年宣十六年書大有年凡以重民食也今志內譜之災異備書祥瑞則祇書其關於年穀者一闕文分二例有本無而闕其事以待攷者有原有而闕文代以方空者方空例見逸周書

一虞仲翔謂世上無神僊然有傳說知者盡知其妄矣史記黃帝升僊事不見之五帝本紀而見之封禪書以志武帝之惑耳漢志神僊入方伎亦是養生之僊術而非飛昇之僊術故志內於神僊之

關於飛昇者概指爲虛妄屏不錄

一資治通鑑奏序其題頭式空字式今尙有存者未嘗以異代而銷之固是存其體製且以見當時忠上之誠也故志內所錄前文於其題頭空格多仍而不改金石文自更以照原式爲正例

一左傳分五十凡其第三凡曰凡諸侯有命告則書不然則否見隱公十一年

傳一年今所書多據訪冊訪冊亦據報告其通函叠催而報告無文者書之無從書故謹依左傳第三凡之例以昭慎重左傳家以五

舊典禮制惟其有乖與禮者不少故祇可云左傳五十凡皆以爲春秋五十凡尙須有辯

一志內文字或前後異文未歸一律蓋徵引異書采訪異手參差錯

出事勢使然經文則亦有然者矣五經之例於本作于何以尙書

金縢用于者七而用於者三且同一語助而書之粵若或作曰若

同一人名而禮之子貢又作子贛故異文而未之改也至衛之作

開平縣志 卷首 凡例

三

衛插之作插決之作決若此類者則以活版偶闕正字又迫於時

閒強與通融讀者自能知之縣志之版中疊見俱依說文段注改作振舉不改作舉則以其適合於

篆文从手也

一朱子謂校書如掃落葉掃極不能乾淨也東莞新志每卷之末列

表校誤今自爲卷數如阮文達校勘記之例

一尼父雖聖文辭尙云與人通流見文選曹子建與楊祖德書不韋何人春秋豈

眞縣門不易況以一十八門之責備而成於百八十日之倥偬其

爲繁蕪未暇譌闕相仍必不免矣增刪訂正敬俟後賢

開平縣志目錄

卷首

序 凡例 目錄 圖

卷一

沿革表

卷二

輿地畧一 疆域 縣里 長城 關 生計 賦 張戶 附

卷三

輿地畧二 星野 氣候

卷四

輿地畧三 山川 潮汐 道路

卷五

開平縣志 卷首 目錄

輿地畧四 風俗

卷六

輿地畧五 物產

卷七

建置畧一 城池 寨堡 廟署

卷八

建置畧二 學宮 義學 書院 學堂 圖書館附

卷九

建置畧三 廟 祠 教堂

卷十

建置畧四 善堂 醫院 義祠 義塚

卷十一

建置畧五 公園 涼亭 公路 橋 渡

卷十二

建置畧六 水利 墟市 商會附

卷十三

經政畧一 戶口 田賦

卷十四

經政畧二 雜稅 解 鹽課 倉儲

卷十五

經政畧三 典禮上

卷十六

經政畧四 典禮下

卷十七

開平縣志 卷首 目錄 二

經政畧五 學制 科舉制 科舉變通及停止 民國教育

卷十八

經政畧六 官制 兵防 郵舖

卷十九

前事畧一 詞

卷二十

前事畧二 清上

卷二十一

前事畧三 清下

卷二十二

前事畧四 民國上

卷二十三

前事畧五 民國下

卷二十四

職官表 清 民國

卷二十五

選舉表一

卷二十六

選舉表二

卷二十七

選舉表三

卷二十八

選舉表四

卷二十九

開平縣志

卷首 目錄

三

選舉表五

卷三十

官績畧 明 清 民國

卷三十一

官賢畧 宋 明 清

卷三十二

人物畧一 後晉 宋 元 明

卷三十三

人物畧二 清上

卷三十四

人物畧三 清下

卷三十五

列女畧一 明 清

卷三十六

節孝表 清 民國

卷三十七

耆壽表 清 民國 耆壽附

卷三十八

藝文畧一 經 史

卷三十九

藝文畧二 子 集

卷四十

金石畧一 金

卷四十一

開平縣志

卷首 目錄

四

金石畧二 石上

卷四十二

金石畧三 石下

卷四十三

古蹟畧一 城址 營盤 署宅 壇廟 坊表

卷四十四

古蹟畧二 前賢遺跡 塚墓 寺觀

卷四十五

雜錄

重修開平縣志職名

主修

開平縣縣長

分修

余榮謀
高心符人

張啓煌
後肇以下邑人

吳鼎新
在民

黃漢光
棟珊

周鍾嶽
毓初

張鼎勳
魯安

司徒瑾
鳴秋

許錫醴
穆泉

司徒枚
蘭芸

開平縣志 卷首 職名

何秉鑑
鑑堂

吳樹華
堅魯

參閱

關國屏
屏堂

潘才華
寶伯

采訪

謝用麻

勞作新

張尹堂

梁育堂

謝煥椿

譚雨田

關蔭劬

司徒荃

胡牧

黃元秀

周朝珍

方鳳姚

鄧焜榮

譚濟堂

譚壽康

譚毓材

張耀廷

張詢堯

開平縣志 卷首 職名

余棟華

許兆枚

譚祖詒

簡鶴侶

校字

周景岐

膳錄

司徒采珊

張達禮

許爾琯

測繪

伍其熾

庶務

程健成
雲浮人

關達廷

開平縣志

卷首

職名

三

開平縣志卷一		沿革表	
秦		朝代統部	
嶺南 當秦 氏以 前爲 蠻夷 國未 教及 之普		南海郡 史記始 皇既併 六國謫 戍五方 南守五 嶺遣任 郡攻取 南越置 南海桂	
郡象三 林象三 郡象任 南海尉 按南海 大郡據 顧祖禹 方輿紀 要今廣 東廣州 府肇慶 府南雄 府韶州 府潮州 府及高 州府北		府路州郡	
番禺		縣	
王志縣地於秦爲 義寧誤矣義寧劉 宋置秦未有也今 以錄番禺漢阮通 志沿革表漢番禺 縣今南海番禺順 德從化龍門增城 香山三水花縣開 平鶴山縣地也又		沿革表	
以漢縣歸諸秦據 通典元和郡縣志 均番禺爲秦縣 也史記南海尉任 寬病以龍川令趙 佗行財事佗稍以 法誅秦所置長吏 是郡中自龍川揭 陽兩令見南越傳 止此兩令外尚有 其他長令故置告 佗曰番禺貢山險 阻南海東西數千 里此一州之主也 據此則番禺即南 海郡治又即爲附		沿革表	

漢		沿革表	
交州		沿革表	
漢字彌 廣增置 郡國武 帝元封 五年分 天下爲 十三州 部設刺 史分察 之漢書 官公卿 表地理		沿革表	
台浦郡		沿革表	
秦末大亂 行南海尉 趙佗併有 桂林象諸 郡縣漢興 高帝封佗 南越王子 孫襲國四 世武帝元 鼎五年南 越相呂嘉 叛遺將討 平之六年 置南海交 林蒼梧		沿革表	
臨允		沿革表	
合浦領縣五臨允 最大具界東北接 番高北接高要西 接高涼六朝析爲 八九縣今新興新 會恩平台山（舊 新寧）鶴山皆有 其所分地開平特 其中央一部耳及 據漢書地理志及 張敞探鄉土史		沿革表	

志通典	晉	廣州	沿漢魏 制仍以 刺史察 郡太康 元年分 天下爲 十九州 據晉書 地理志	新寧郡	晉書地理 志穆帝分 蒼梧立新 寧郡無年 月據宋書 州郡志穆 帝永和七 年立	南海郡	臨允 新興 新夷 盆允 封平	宋書州郡志新興 令見新寧郡下不 注置立據元和郡 縣志晉分臨允置 大康元年更平夷 曰新夷據宋書 州郡志	開平縣志	卷	沿革表	四	南朝宋	廣州	自晉遷 江左州	新寧郡	新會郡	臨允 新興 新夷	宋書州郡志新會 郡下益允令封平 令皆云故屬南海 按新寧郡以宋永 初元年立永初以 前爲晉則故屬南 海者當指晉代官 也鄉土史據譚鑑 新會鄉土史益允 新新夷東境置封 平析新夷西境置
-----	---	----	---	-----	--	-----	----------------------------	--	------	---	-----	---	-----	----	------------	-----	-----	----------------	---